

佛本行集經

第四十一

三百  
基一

49746



隱心輪  
金剛  
...



佛本行集經卷第四十一

基

隋天竺三藏法師闍那崛多譯

迦葉三兄弟品中

尔時毒龍見火神堂四面一時洞然熾盛唯  
有如來所坐之處其處寂靜不見火光見已  
漸詣向於佛所到佛所已即便踊身入佛鉢

中而說是偈

若人百千億万歲  
彼輩不能斷去瞋  
一切天人何界内  
諸被瞋恚重病纏  
尔時世尊過彼夜後至明清旦手擎於鉢將

一心祭祀此火神

如今勝世尊忍辱

唯有世尊大丈夫

世尊能與忍辱藥





彼毒龍來至優婁頻螺迦葉所坐之處到已  
即告彼迦葉言仁者迦葉此是毒龍汝等所  
畏不能入於火神堂者此即是彼以我威火  
滅其毒火今故將來以示汝輩諸梵志等而  
有偈說

是時彼夜分已過

世尊來至迦葉所

鉢中盛於毒龍示

手擎安置著彼前

尔時優婁頻螺迦葉作如是念此大毒龍爲  
自入於大沙門鉢爲大沙門神通力故教其  
入中尔時世尊知彼優婁頻螺迦葉心之所  
念知已即便手所執鉢自然展向優婁頻螺  
迦葉之邊時彼毒龍九頭大項引頸欲向優

婁頻螺迦葉身邊

尔時優婁頻螺迦葉見龍舉頭欲向已邊心生驚怖却縮身住自以兩手掩覆其面尔時世尊告彼優婁頻螺迦葉作如是言仁者迦葉何故縮身如是驚怖汝心畏也迦葉報言如是如是大德沙門我實畏也尔時佛告彼

迦葉言仁者迦葉汝莫怖畏尔時世尊即以偈頌語迦葉言

我昨夜來教化彼

其更不能恐怖他

若其今欲螫於仁

世間終無有此法

假使天崩倒於地

大地破碎如微塵

須弥移離本處安

諸佛口終不妄語



尔時優婁頻螺迦葉作如是念此大沙門大  
威神力大有功能乃設如是神力之火滅彼  
毒龍毒惡熾火其事雖然而猶不得阿羅漢  
果如我今也

尔時世尊取彼毒龍發遣安置彼大海水鐵  
圍山間是時優婁頻螺迦葉即白佛言大德  
沙門彼毒龍今安在何處尔時佛告彼迦葉  
言仁者迦葉彼之毒龍我已遣安置於彼

鐵圍山間

尔時優婁頻螺迦葉見佛示現是神通已心  
生歡喜即白佛言大德沙門願恒任此我當  
常請供奉飯食尔時世尊嘿然受彼優婁頻

螺迦葉等請

或復有師作如是說佛告優婁頻螺迦葉作如是言仁者迦葉若汝等輩能依時節告我食時如是則我受仁者請時迦葉言我等當告尔時色界淨居諸天即說偈言

此是大慈世尊力

善能降伏大毒龍

其三迦葉事火神

所有精進力當滅

尔時世尊從彼優婁頻螺迦葉邊受食訖漸

漸而行去於優婁頻螺迦葉處所不遠有一

林名差梨尼迦

隋言斫枝即出乳汁

在於彼林經行而

住是時四鎮四大天王身出勝光當於夜半

下來世間以天身光普照彼林向於佛所到



佛所已頂礼佛足合掌而却各隨來方任立  
一面向佛曲躬佞頭頂礼如猛火聚出大炎  
光照后迦林

尔時優婁頻螺迦葉過彼夜後晨向佛所到  
佛所已而白佛言大德沙門食時將至飯食  
辦具未審昨夜四人是誰身出最勝微妙光  
明而於夜半照此林樹來到於此大沙門邊  
到已頂礼却任一面向頭合掌恭敬立任譬  
如火聚出大勝光

尔時佛告彼迦葉言仁者迦葉彼四人者是  
四天王來詣我所從於我邊欲諮問法是時  
優婁頻螺迦葉心如念此大沙門大有威



神大有威德乃有四大天王下來詣於其邊  
欲請問法威力雖然但其不得阿羅漢果如  
我今也

余時卅尊即至優婁頻螺迦葉所住之處飯  
食訖已後還向彼林內經行寂靜而住是時  
忉利帝釋天王放身最勝上妙光明於夜半  
時普照彼林來詣佛所到已頂禮佛卅尊足  
却住一面合十拍掌向佛而立譬如火聚出  
大炎光倍勝於前四天王身明照顯赫不可  
為比

余時優婁頻螺迦葉過彼夜已往詣佛所到  
佛所已而白佛言大德沙門食時已至飯食

辦具未審昨夜光明是誰於夜半時身出最  
勝大光明來到已頂礼合十拍掌向一面立  
乃至猛炎倍四天光

尔時佛告彼迦葉言仁者迦葉彼是忉利天  
主帝釋來詣我邊欲聽法故是時優婁頻螺  
迦葉作如是念此大沙門大有威德乃令帝  
釋來詣其邊欲聽於法感力雖然而猶不得  
阿羅漢果如我今也

尔時世尊從彼優婁頻螺迦葉邊受食訖還  
向彼林經行而住時夜摩天於夜半時身出  
勝光來詣佛所到已合掌向佛頂礼却住一  
面乃至略說此大沙門大有威力大有威神



乃令於彼須夜摩天來欲聽法威德雖然其  
猶不得阿羅漢果如我今也

尔時世尊從彼優婁頻螺迦葉邊受食訖還  
向彼林經行而住時兜率天於夜半時身出  
光明來詣佛所乃至略說此大沙門大有威  
力大有威神乃令於彼兜率陀天來欲聽法  
威德雖然其猶不得阿羅漢果如我今也

尔時世尊從彼優婁頻螺迦葉邊受食訖還  
向彼林經行而住時化樂天於夜半時身出  
光明來詣佛所到已乃至此大沙門有大威  
神乃令化樂天子下來欲聽受法威德雖然  
其猶不得阿羅漢果如我今也

尔時世尊從彼優婁頻螺迦葉邊受食訖還  
入彼林經行而住是時他化自在天子於夜  
半時身出光明來詣佛所乃至略說此大沙  
門大有威神大有威力乃有他化自在天子  
來欲聽法威德雖然其猶不得阿羅漢果如  
我今也

尔時世尊從彼優婁頻螺迦葉邊受食訖還  
向彼林經行而住是時娑婆世界之主大梵  
天王於夜半時放身光明普照彼林來詣佛  
所到佛所已合十拍掌頂礼佛足却住一面  
向佛而立譬如火聚出大猛炎勝於已前欲  
界諸天光明百倍不可爲譬



尔時優婁頻螺迦葉過彼夜後往詣佛所到  
佛所已即白佛言大德沙門食時已至飯食  
辦具未審昨夜出勝光明普照林內來至於  
此大沙門邊彼爲是誰合十拍掌頂礼却住  
乃至勝前欲天光明

尔時世尊即告優婁頻螺迦葉作如是言仁  
者迦葉彼所來者是此娑婆世界之主大梵  
天王來詣我所欲聽受法是時迦葉作如是  
念此大沙門大有威力大有威神乃令娑婆  
世界之主大梵天王來至其邊欲聽於法威  
德雖然其猶不得阿羅漢果如我今也  
尔時世尊從彼優婁頻螺迦葉邊受食訖還

向彼林經行而住是時優婁頻螺迦葉居處  
年常恒共豎立一祭祀法至其時節摩伽陀  
國一切人民將好種種上味飲食噉者食者  
舐者噉者辦具已訖明日各各欲來向於優  
婁頻螺迦葉居處

尔時優婁頻螺迦葉即於其夜在自室內作  
是思惟明日集聚摩伽陀國一切人民辦具  
種種無量飲食欲來我邊修祭祀法而此瞿  
曇大德沙門脫於是會大眾之前顯示神通  
勝上之法若如是者我之所有利養名聞即  
當著彼則於我邊或復減少唯願方便此大  
沙門明日莫來



尔時世尊知彼優婁頻螺迦葉心所念已過  
彼夜後至鬱單越到彼乞食於阿耨達大池  
邊食訖還在彼大池邊少時靜攝竟還本  
林經行而住

尔時優婁頻螺迦葉過彼夜已食後往詣佛  
世尊所到佛所已即白佛言大德沙門於食

至時辦具亦訖未審沙門何故不來其事雖  
然我猶不忘所有諸食上好味者我今爲仁  
猶留一分

尔時佛告彼迦葉言仁者迦葉汝昨夜在靜  
室之中獨自而坐可不如是思惟念言我於  
明朝在所居處年常恒作祭祀之法摩伽陀

國所有男女一切人民將好種種食飲而來  
向於我邊而此大德沙門瞿曇恐於彼會衆  
人之前出現神通亦上人法則我所有利養  
名聞悉著於彼大沙門邊我則減少心私願  
我明日莫來仁者迦葉我於尔時知仁此心  
如是想念過於彼夜我即騰空至鬱單越向  
彼乞食得已來到阿耨達池如法而食隨日  
多少在彼經行還向此林宿止而來是時優  
婁頻螺迦葉作如是念此大沙門大有神力  
大有威權感變雖然其猶不得阿羅漢果如  
我今也

尼沙塞說

尔時優婁頻螺迦葉居處年常有一大會名



翼宿日彼會之日摩伽陀國數千万人各來  
聚集然其彼會亦有市易隨諸人輩所須貨  
買是時優婁頻螺迦葉作如是念明朝此處  
若沙門來所有人民皆觀看彼不爲我等造  
作齋食即作如是思惟念已往詣佛所即白  
佛言大德沙門明朝我林修道處所當作大  
會多有衆生百千聚集甚大喧鬧而大沙門  
愛樂寂靜恒行清淨空閑之處沙門可從此  
處移去別求靜處彼聞而住此僧祇說

尔時世尊從彼住處即便移至差梨迦林至  
彼林已心念彼四迦婁羅王王名可觸又四  
提頭賴吒龍王四水神龍四大天王帝釋天

主及餘欲界一切諸天娑婆界主大梵天等  
並皆念之

尔時彼等四可觸王迦婁羅等知佛内心如  
是念已出現大風從彼優婁頻螺迦葉所居  
住處飛騰虚空即時往詣差梨迦林到彼處  
已頂礼佛足合十拍掌却住一面遥覩世尊  
向佛頂礼

其四提頭賴吒龍王四水神王亦知佛心出  
大雲雨從彼優婁頻螺迦葉居處飛向差梨  
迦林到已頂礼佛世尊足合十拍掌却住一  
面向佛遥敬

是時四方四大天王亦知佛心作大端正可



喜之身爲人樂見顯赫威光照曜自身悉乘  
白象從地涌出從彼優婁頻螺迦葉居處往  
詣差梨迦林到已頂礼佛世尊足乃至合掌  
遥敬於佛

余時忉利帝釋天王及欲界天娑婆世主大  
梵天王知佛心念身出威光遍照其地從彼  
優婁頻螺迦葉居住之處飛騰虛空一時往  
詣差梨迦林到已頂礼佛世尊足乃至曲躬  
遥敬於佛

尔時彼處一切人民見如是衆諸天龍等心  
生恐怖身毛皆豎即便問彼優婁頻螺迦葉  
等言大德和尚此何物神作斯變恠非是灾

也或當有疫或大恐怖或大鬪諍或有迦吒富單那鬼及黑闇鬼而欲來乎

尔時優婁頻螺迦葉作如是念此必是彼大德沙門威力作斯神通變也即便報彼諸大衆言汝等一切莫恐莫怖莫畏莫驚此非災變亦非疫病及以鬪諍諸鬼魅來當有無畏當有豐熟當無恠異不須恐怖亦無疾病汝等但當安隱自慰此事無苦一切諸相盡皆大吉尔時優婁頻螺迦葉作如是念我今亦可往詣於彼大沙門邊度量此事自應當知何故何變致使如是彼作如是思惟念已即便往詣佛世尊所欲至佛邊如來忽以神通之力



即於其前化作一箇高峻大山而彼欲來不能得過到彼山已即反迴還過彼夜後還詣佛所到佛所已而白佛言大德沙門昨日作何如是變恠我從昔來在此居停未曾覩見如斯之事

尔時世尊即便爲彼廣說前事而彼優婁頻螺迦葉旣聞說已生大希有竒特可恠我多年來在此恒常祭祀火神不曾有一旋風之氣至於我邊況復餘神然今此處沙門瞿曇有大威德一切諸天來向其邊作是念已即於佛邊生信向心希有之心即以心請佛世尊去願大沙門明日食時更於我邊受我微

供若佛實是一切智者應知我心作是念已  
如來即知優婁頻螺迦葉心念嘿然而受彼  
之心請

尔時優婁頻螺迦葉還其居處告諸一切摩  
那婆言汝等詣向大沙門邊量度觀看其大  
沙門作於何事為當求食欲著衣行為當嘿  
然寂靜而坐

尔時彼等諸摩那婆從於優婁頻螺迦葉聞  
此言已即便往詣差梨迦林到已見佛在彼  
林內樹下思惟寂然而坐身出光明照耀彼  
處於食知足不行乞求嘿然而住彼等見已  
詣向佛所到佛所已而白佛言大德沙門仁



今何故不求食也

尔時佛告彼諸一切摩那婆言諸摩那婆我已  
被請彼等問言大德沙門是誰所請佛即  
報言汝輩和尚已請我也

尔時彼等摩那婆心生於希有甚奇可恠希  
有希有此大沙門然口不言遙知他心彼等  
即大歡喜踊躍遍滿其體不能自勝

尔時彼等速疾迴還優婁頻螺迦葉之邊到  
已白言尊者和尚我決定知此大沙門是一  
切智和尚以心嘿請於彼彼即自知和尚之  
心亦向我論我已  
被汝和尚心請  
尔時優婁頻螺迦葉聞彼語已即便鋪設大

價之座鋪設既訖心發是念沙門瞿曇若仁  
今是一切智者當應我念即現此座尔時世  
尊知彼優婁頻螺迦葉心所念已身應時現  
於彼座上

尔時優婁頻螺迦葉既見世尊在其座上端  
然而坐見已歡喜即以自手將好種種餽  
飲食持用施佛所謂噉食啜啖舐啜豐足自  
恣復作是念希有希有此大沙門大有威神  
大有德力乃能知我心中所念威神雖然而  
猶不得阿羅漢果如我今也

尔時世尊於彼優婁頻螺迦葉邊受食訖還  
迴至於差梨迦林經行而住是時世尊身上



所著袈裟之衣悉皆破壞而彼兵將婆羅門  
村有於一家人命既終即便林葬是時世尊  
於林見已即自收取彼糞掃衣取已世尊作是  
思念我今何處洗於如是糞掃之衣能使清淨  
尔時帝釋忉利天王既知世尊心意所念知  
已即於彼之處所以手掘地造作一池其水  
清淨作已即便諮白佛言善哉世尊願以此  
水洗糞掃衣是時世尊見池水已復如是念  
今雖得水當於何上洗浣是衣  
尔時帝釋知佛心已從鐵圍山將一大石安  
置佛前置以白佛作如是言唯願世尊於此  
石上洗躡是衣是時世尊復如是念今雖得

石復當攀何洗躄此衣時彼池岸舊有一樹

名迦拘婆

隋言峯

時彼樹間有一樹神知佛意念按樹一枝令垂向下而白佛言唯願世尊攀此樹枝洗躄於是糞掃之衣尔時世尊復如是念我洗衣已復於何上曝曬此衣

尔時帝釋知佛心念知已即從鐵圍山間將一最大寬廣之石安置佛前既安置已即白佛言唯願世尊於是石上以用曬衣是時世尊即於石上曬糞掃衣

尔時優婁頻螺迦葉過彼夜後往詣佛所到佛所已而白佛言大德沙門食時已至辦具



訖了又復白佛大德沙門已前此處無有是  
池今日何故忽有此池此處已前無是二石  
又從何來其迦拘婆此樹已前枝不垂下今  
日何緣如是侈垂不知何緣忽然如此作是  
語已嘿然不言

佛告優婁頻螺迦葉作如是言仁者迦葉此  
處我得糞掃之衣彼時我作如是心念以何  
浣此糞掃之衣今時帝釋知我心念以手掘  
地出此池水而白我言世尊今可以此池水  
洗糞掃衣以如是故至今相傳名爲帝釋手  
掘之池得是水已我復更作如是思念我於  
何上躋糞掃衣

尔時帝釋知我心念從鐵圍山將一大石來  
置此地而白我言唯願世尊於此石上用洗  
浣衣是故此名非人擲石我於彼時作如是  
念我手攀何而躡是衣

尔時彼樹迦拘婆神知我心念以手按此樹  
枝令垂而白我言唯願世尊手攀此枝用脚  
躡衣以是因緣此樹之枝如是懸垂得於枝  
已我如是念今於何上曬於此衣

尔時帝釋知我心念從鐵圍山將此廣石擲  
置我前而白我言唯願世尊於此石上曬所  
浣衣以是因緣此石名爲非人所擲  
尔時優婁頻螺迦葉作如是念此大沙門大



有威力大有神通乃能令彼天主帝釋而來  
供奉變現雖然但大沙門理實未得阿羅漢  
果如我今也

尔時世尊至於優婁頻螺迦葉居處食訖迴  
還至林經行而住尔時優婁頻螺迦葉過彼  
夜後往詣佛所到佛所已而白佛言大德沙  
門若知時者飯食已辦是時世尊告彼優婁  
頻螺迦葉作如是言仁者迦葉汝於前去我  
即隨來

尔時世尊既發遣彼優婁頻螺迦葉去已即  
乘神通向須彌山是時彼山有閻浮樹以彼  
閻浮樹因緣故所以得此閻浮提名於彼樹

上取得菓已於先來至優婁頻螺迦葉居處  
火神堂中端然而坐而彼優婁頻螺迦葉在  
後來見如來坐於火神堂內見已驚恠即白  
佛言大德沙門仁從何道而來至此仁先在  
林於我後發即今何忽在我前到此火神堂  
其中安坐

余時佛告彼迦葉言迦葉我先發遣汝已至  
須弥山彼有一樹名曰閻浮因彼樹故此今  
得是閻浮提名彼樹上菓我今將來在此堂  
內指示迦葉彼閻浮菓即此是也顏色端正  
香味微妙食者甚美汝今可取此之甘菓而  
噉食之



尔時迦葉即白佛言大德沙門此事不然仁  
自合噉此之甘菓我不應食尔時優婁頻螺  
迦葉心如念此大沙門大有神通大有威  
力乃能於先發遣我已其身自到須弥山取  
閻浮菓來此火神堂於前而坐雖然猶不得  
阿羅漢如我今也

尔時世尊於彼優婁頻螺迦葉居處食訖還  
還向於林内經行是時優婁頻螺迦葉過彼  
夜後至明清旦往詣佛所而白佛言大德沙  
門若知時者飯食已辦尔時世尊告迦葉言  
迦葉汝今且於先行我隨後去  
尔時世尊於先發遣迦葉去已即復還自向

須彌山離閻浮樹相去不遠更有一樹名菴  
婆羅從菴婆羅取得一菓於先來到迦葉住  
處火神堂坐迦葉後來見於世尊在火神堂  
安然而坐見已白佛作如是言大德沙門從  
何道來在我前到此火神堂

佛告迦葉我遣汝後至須彌山取得於是菴  
婆羅菓將來在此乃至先勸迦葉令食迦葉  
白言我不合食尔時優婁頻螺迦葉心如是  
念此大沙門大有神通大有威力乃能於先  
發遣於我到須彌山取菓將來於先而坐雖  
然猶不得阿羅漢如我今也  
尔時世尊於彼優婁頻螺迦葉居處食訖還



迴至彼林內經行是時優婁頻螺迦葉過彼  
夜後至明清旦往詣佛所而白佛言大德沙  
門若知時者飯食已辦乃至去彼閻浮提樹  
處所不遠有呵梨樹將彼菓來先到迦葉火  
神堂內乃至沙門大有神通雖然猶不得阿  
羅漢如我今也

尔時世尊食訖還至彼林經行乃至去彼閻  
浮提近更有一樹名毗醯勒彼樹上取一菓  
將來先到堂內乃至如前此大沙門大有神  
通先遣我身其後取菓雖然猶不得阿羅漢  
如我今也

尔時世尊食訖還至彼林經行乃至去彼閻

浮提近更有一樹名阿摩勒彼樹取菓於先  
將來坐火神堂乃至沙門大有神通先發遣  
我身後將菓來火神堂雖然猶不得阿羅漢  
如我今也

今時世尊食訖還至彼林經行是時優婁頻  
螺迦葉過彼夜後往詣佛所已而白  
佛言大德沙門若知時者飯食已辦佛告迦  
葉汝先且去我隨後來今時世尊遣迦葉已  
至瞿耶尼到彼處已乞乳滿鉢在前來至火  
神堂內是時優婁頻螺迦葉見已白佛大德  
沙門從何道來在於我前到此堂內  
佛告迦葉我遣汝後到瞿耶尼乞得是乳滿



此鉢中在是而坐迦葉是乳顏色微妙香氣  
 甘美汝意若樂取此乳飲迦葉白佛我不堪  
 飲沙門自飲是時迦葉作如是念此大沙門  
 大有威力大有神通乃先遣我其後身往瞿  
 耶居國乞乳滿鉢先來至此火神堂內雖然  
 猶不得阿羅漢如我今也

佛本行集經卷第四十一

基

祭祀似下音縮所六整呼各反舐神紙味音烁音

魅上許客反峻私閨迴旋下似餽上戶交

反扇啜上音啜常劣昌拙其物浣胡伴反

踰徒苔曝曬上蒲木反音音悞垂上土下可反

此  
醢

下  
呼





